

THUTANGIN

NUNTAK

NADING

PILNA





**“Tua ahiih ciangin pilna
lungsim ka ngah theih
nadingin ka nuntak hun
uh a tom lam ka theih
nadingin honghilh in.”**
(Late 90:12)



Pilna nei hihna in lampi man tak tawh kantel in theihna (science), ngaih sut ciimna cihte ah theihtel'na ci-in i thei' thei hi



Hih bang-a a thei mi pen "Pilna nei" a kicih sangin ciim' zaw hi. A theih kiat tuah khakte (a tawm ahi-a a tam hitaleh) hoih takin a zatkhiat theih kik ding ahi hi.

Pilna/Ciimna pen Lai Siangtho in bangci gen hiam?

Tua pilna pen koi bangin sin thei ding i hiam?

Ih nisim nuntakna ah koi bangin zangh ding i hiam?

Lai Siangtho gen pilna tawh kizui-in sepna bang hamphatna kingah hiam?



► Thukhamte ii pilna (Late 119).

► Pilna kipatna (Late 90).

► Sittelna sungah pilna (Late 95, 81 le 105).

► Sepkhiat pilna:

► Migilote' lampi (Late 141).

► Apha bawlna-ah thuphate (Late 1, 112 le 128).

THUPIAKTE II PILNA

"Nangma tungah kong khialh loh nadingin ka lungsim sungah nangma thu ka khol hi" (Late 119:11)




A Kammal in thumaan lampi ah khuavak hi (Late 119:105); siangsak hi (Late 119:9); i kaalsun nading hong makaih (late 119:133); lauhuai na lampite pan hongkeem hi (Late 119:101).

A Kammal bangin nuntak'na-in a vaanglian thupiakte kepcing na ahi hi (Late 119:4). Eite-in tua bangin i sepzawh loh hangin, Pasian' hong panpih hangin tua te lung ngai kawm in, tuate keem ding le hong huu hong daal theih nading pil nate ngei beh ding hi (Late 119:5-6).

Thukham-te kepcingna in a tungtham bek hilo-in, tua-in lungsim tawn' le lung tang a kawk nuam ahi (Late 119:7, 148).

Late 119 ii a thu bulpi-in Ama Kammal sunga kipulaak om bangin Pasian' thukham-te ahi hi.

Lai Siangtho a om adang munte mah bangin, hih late nuntak sung ah mi khat khualzinna lampi tawh tehkaak hi. Hih lampi in nang pen tawntung nunna ahihke'h tawntung khialhna ah hong tun' thei hi. Lampi maan koi bangin teel ding i hiam?



PILNA KIPATNA

“Tua ahih ciangin pilna lungsim ka ngah theihna dingun ka nuntak hun uh a tomlam ka theihna dingun honghilh in.” (Late 90:12)

PiangsakPa’ ii tawntung hun tawh tehkaak hileng, eite i nuntakna hun tomno sung hi, cihnop na ah husanna hi (Late 90:2, 4, 9).

Hih hun tomno sungin, eite-in Pasian hehna nuai-ah mawhna tawh i nungta hi (Late 90:8-11). Ahihzongin Pasian in eite pen a hehpihna hong zaanbeh in, A migiitna in ei hong lungkim sak hi (Late 90:13-14).




Eite-in Pasian hong hilhna i ngah ciangin, “i nite sim dingin” i sin ding hi. Tua bang dan in, eite-in a maan pilna ngah in, eite-in kihtakna le zahtak theih nei-in hong PiangsakPa lim le meel bangin a kikheel ding hi. (Late 90:12, 16; 111:10).

Pilna in eite a masa-in hong kisiksak khitciang in Pasian deihna bangin hong sem thei sak hi (Late 90:3, 17).

SITTELNA SUNGAH PILNA

"Na cihmawh uh ciangin kei na hongsam uh a, keimah in note ka hong honkhia hi. A kilanglo vanging sung panin note ka hong dawng a, Meribah tui phualte-ah note ka hong ze-et hi." (Late 81:7)

PILNA KIHEL LO-IN SITTELNA THUAK



Meribah khua ah, Israel-te'n Pasian sittel hi: "Topa in ei' lakah a om ahihke'h omlo?" ci-in Topa a sittel hi (Pai. 17:7). Ahizongin, Pasian' muhna pan in, Israel mite a sittel pen Amah hizaw hi (Late 81:7).

Israel mite-in sittelna a zighthoh manun langpan te lungkhauh takin omlai uh ahih manin mawh piak thuak ding hi (Late 95:8-11). Na khempeuh a om hangin Pasian in amau nget tui a pia hi (Pai. 17:5-6). Ahizongin, pilna nei uh hileh tua sittelna zo ding uh hi. Tua khitciangin, Pasian in amaute tawh a lamdang na lianpi te bawl thei ding hi (Late 81:13-16).

PILNA TAWH SITTELNA THUAK



Joseph in sikkhaute tawh kikhiih in, mat le hen bawl siatna thuak hi. Ahizongin amah in pilvang takin khensatna nei hi: bangci bang din mun a tung zongin Pasian tungah ki-aap hi (Late 105:16-18; Pian 39:7-9).

Sittelna a zighthoh khitciang in, Pasian in amah lam'sang hi (Late 105:19-21). A pilna kilangh ahihmanin Pharaoh kumpi in a u-te Pasian' piak pilna a hilh ding in a-aap hi (Late 105:22). Joseph tung tawnin, Pasian in Israel innkuhan khempeuh tungah nuntakna a pia hi (Late 105:23).

SEPKHIAT PILNA

MIGILOTE' LAMPI

"Mawh bawlnopna lungsim hong neisak kei in la, a gilo mite tawh hong kikhawlsak kei in.
Amau' anlimte hong duhgawh sak keita in." (Late 141:4)

Late 141 in eite pen a sung lampan ahi-a, a pua pan ahizongin ze-et nate pan hong honkhia dingin Pasian kiang ah thungen ding hi (Late 141:1-3, 9-10). Ei' hatna tawh, eite'n ze-etna i zo zo kei ding hi, banghang cihleh i lungsim in mawhna lung gulh ahih man hi. Ze-etna i nan' zagh nadingin tatsatlo thunget ding kisam hi.

Late 141:4 le 1:1 in ze-etna pianzia honglak hi:

1) Lungsim in siatna lam ah manawh hi

"Kei ma lungsim
siatna git'lohna
sungah hong hoi
sak kei ta-in."

"Migilote' gamtat
bangin a gamta-lo
mite in thupha ngah
ding hi."

2) Mawhna a bawlpa


"khualna neilo-a
sepna in siatna
bawl mah tawh
kibang hi"

"mawh neite' lampi
ah hilo hiam"

3) Siatna sungah nuamsa

"nang' ii nektheih
an limci te kei hong
ne sak kei-in"


"Amah a zahpih
mite tutphah ah a
tu'kei hi"



Ze-etna in a banban in zolna, zol haat na le thu taklona te-ah khantohna in late bu in pulaak hi. Topa' tungbek ah kingakna in zaghna lungmuanna kingah hi (Late 141:8-10). Ahizongin, mawhna tungah a nunung zaghna in mailam hun ah om hi (Late 1:5-6).

APHA BAWLNA-AH THUPHATE

"En un, Topa a zahtak mi tua bangin thupha kipia ding hi." (Late 128:4)



Pilna ii hong sepsak bulpi in Pasian deihna tawh kituakin eite lampi maan zui-in kalsuan ding' hi. Tua bang hihna hangin bang thupha i ngah ding hiam?

**Thupha i ngah ding
hi (Late 1:1; 112:1;
128:1)**

**Ih sepname
khangto ding hi
(Late 1:3; 128:2)**

**Ih suan le khaak te-in
vaang nei ding hi
(Late 112:2; 128:3)**

**Thuhoih thupha
le hauhna i ngah
ding hi
(Late 112:3)**

**Pasian khuavaak
sungah i kalsuan
ding hi
(Late 112:4)**

**Ih sepding te
hoihtak ukzo
ding hi
(Late 112:5)**

**Ih taal kei ding a,
hong kiphawk ding hi
(Late 112:6)**

**Thu siate i lau
kei hi (Late
112:7)**

**Ih gaalte i zo ding hi
(Late 112:8)**

**Vangliatna tawh
pahtawina i
ngah ding hi
(Late 112:9)**



Sia' le pha kikaal ah buaina in khatvei vei eite hih thuphate i ngahloh nading ahihkeileh tuate tawm khatbek ngah theih nading hong dal hi. Ahizongin, eite-in Pasian' Gam sungah a kicing thupha i saan ding hun hong tung ding hi.

**“A kiakhin mipa ading in Pasian in a sepsak
nasep pen i ngaihsut ciangin, Pasian in mi
zawngte, a kiakhin na’ te pen tuate kiang ah pai
pih in tat-le-heek zia tawh kisai sepzawhna tha
a pia ding hi, Ama hehpihna tawh sepnate,
gamtat luhek tatzia a kikheel ding in eite in
lamdang i sa hi — mihingte Ama’ omna ah hoih
takin a tat theih nading in Pasian in a maipha
ah bawlsak khin in, vantungmite a lawm
dingin, Pasian tawh kizopna ding ah a baihsa
hong hisak hi. Oh, a thak leitung ah Zeisu tawh
a kalsuan mi ahi dingin eite lungsim in koici
bangin ngaklah ding i hiam!”**